



# ARUBAANSE COURANT

## DIARIO ARUBANO

REDACCION Y SUBSCRIPCION TEL: 2116  
MANAGEMENT Y ANUNCIO TEL: 1116  
MANAGER: E. WOUTERS

DIALUNA 4 DI OKTOBER 1965.

EDITA PA: ARUBAANSE DRUKKERIJ, UITGEVERS  
& PUBLICITEITS MIJ N.V.  
IMPRIMI PA: DRUKKERIJ "DE STAD"

# PRINS BERNARD A PONE PROME PIEDRA PA SHERATON HOTEL

**PALM BEACH**--Den presencia di hopi interesado nan Prins Bernhard diasabra atardi binti pa cinco a usa cuchara y cemento pa pone e prome piedra di e Sheraton Hotel na Palm Beach. Cu e paso aki un proyecto tan spera y sumamente interesante por cuminsa.

Despues di jegada di e Prins y su ayudantenan riba e pida terreno dorna cu bandera pariba di Aruba Caribbean Hotel, gezaghebber O.S. Henriquez a tuma direccion pa e microfono pa introduci e evento tan importante di ponemento di e prome piedra. Cu atencion y bau impresion di e momento historico cu Aruba pronto lo conoce, vice-minister president di Hulanda Blesheuvet, gobernador N. Debrot, ministro president di Antillas E. Jonckheer, ministro Petronia, ministro C.D. Kroon y hopi otro prominente for di circulo di gobierno, comercio e industria, a scucha con gezaghebber Henriquez a duna un resumen di e desarrollo di turismo na Aruba.

"Diez anja pasa a worde constata cu por a spera un decadencia economico door di e reorganizacion na e industrianan local. Turismo a sirbi como promer posibilidad pa combati e decadencia economico aki, segun gezaghebber Henriquez. Na continuacion el a duna un resumen di e actividadnan di gobierno riba terreno di turismo, cu a wor a jega te na construccion di

e Sheraton Hotel. E beach di Aruba a worde habri door di construccion di e boulevard; na 1957 un comienzo a ser haci cu construccion di Aruba Caribbean Hotel di 170 kamber den cuadro di e prome fase di e plan di diez anja y cu apoyo financiero for di Hulanda; dos anja pasa e pista di avionnan jet a bini cla; actualmente e expansion di Aruba Caribbean Hotel cu 80 kamber ta tumando lugar. Sr. Henriquez a trece na memoria cu e prome hotel di turista a worde considera un "quite a risk" y hasta como un "gamble." A resulta sin embargo cu tin posibilidadnan real pa turismo, segun gezaghebber Henriquez. El a accentua cu e futuro desarrollo di turismo ta di gran importancia pa Aruba.

"Pues pa hotelnan tin mester di menos inversionnan di kapital cu ta e caso cu otro posibilidadnan y nan ta brinda mas oportunidad pa trabau mientras cu mas divisa ta worde hanja cu ta e caso cu otro posibilidadnan." E acento a ser poni riba turismo gezaghebber Henriquez a observa.

El a continua: "Sheraton Hotel



Oficialmente Diasabra atardi e ceremonia pa cuminsamentu di Aruba Sheraton Hotel a tuma lugar. Aki e Principe Bernardo a pone un "declaracion" den e "piedra di skina" di e hotel nobo, despues di cual el a sera esaki cu blokki y cement. E foto ta muestra nos e momento cu e Principe ta cera e "declaracion" den e piedra di skina.

Ariba e declaracion tabata para cu: Ariba 2 di Oktober 1965 Principe Bernardo di Reinado Hulandes a efectua e acto oficial pa cuminsamento di construccion di Aruba Sheraton Hotel.

ta e proximo paso y un paso necesario, pasobra desde dos anja tin un hopi falta di kamber di hotel. Cu e hotel aki cu tambe ta cai bau di e prome fase di e plan di diez anja, e éxito ta garantiza pa medio di e experiencia di e compania cu lo explota e hotel. E finzamiento di e aspectonan tecnico ta casi cla. Pesey ta pa nos tur un satisfaccion inmenso cu prins Bernhard a acepta pa pone e prome piedra. Despues di a expresa e sigurancia cu e poblacion ta para completamente tras di e proyecto y cu pues e no ta solamente un proyecto hopi desea sino tambe popular, gezaghebber Henriquez na nomber di e gobierno insular, comercio y e poblacion a expresa su gratitud na prins Bernhard pa e hecho cu el a acepta pa pone e prome piedra. Prome cu tur cos prins Bernhard a firma un documento traha cu leternan bunita door di sr. Lou Pavlis.



Trahando cu e cuchara di met-sila Prins Bernhard a kibra e tension cu algun observacion clave, manera e observacion cu na prome lugar e tin mester di cemento pa haci su trabau, ora cu nan

a entreg'e e cuchara. Tambe el a haci e observacion cu el a tende cu e Sheraton Hotel lo bini cla prome cu e Hilton Hotel na Corsow, na unda algundia pasa tambe el a pone e prome piedra. E pegamento di e prome piedra a socode rapidamente y den un ambiente di fiesta, a sigi un brindis pa buena marcha di e proyecto nobo. Cu hopi atencion Prins Bernhard luego a scucha sr. Charles Giller ora cu esaki tabata duna

aplicacionnan banda di un maqueta miniatura di e hotel cu tabata instala na e sitio ey. Algun rato despues Prins Bernhard a bandona e terreno y otro invitadonan tambe poco poco a cuminsa busca caminda di cas pa prepara nan mes pa e recepcion di gala cu e anochi ey lo a tuma lugar den papiamento Room di Aruba Caribbean Hotel, ofreci pa gobierno di Antillas na e pareha real.

## CIENTIFICONAN TA MIRA SENJALNAN ALARMANTE NOBO

**MANILA -- UPI --** E cientificonan ta mira señalnan alarmanante nobo en volcan Taal, mientras e gruponan di salvamento ta prosigui e tarea tristu di recoge victimanan di e erupcion violenta di diamars ultimo.

Tin noticianan contradictoria riba e cantidad di mortonan. E cifranan oficial di e organismo nan oficial di auxilio ta sostene cu tin 150 morto confirma; pero diverso partinan di polis ta bisa cu nan a recoge 589 cadaver.

Autoridadnan di e provincia di Batangas ta estima cu por lo menos dos mil persona a muri.

Varios enviado di United Press International a bula awe mainta riba e volcan y a mira huma

sali di e crater principal, pa promer biaha. E erupcion di diamars a surgi pa un crater nobo pa sudoeste di e isla Taal.

Oficina Geofisica di e Observatorio Meteorologico a confirma cu nan a observa huma, pa promer biaha, den e crater central. Nan a informa tambe cu ayera nochi y awe marduga tabatin dos temblor chikitu.

E hefe volcanologo, Arturo Alcaraz, cu den e ultimo tres dianan tabata practicando estudio nan regular terrestre y aereo den cercaninan di e volcan, a bisa cu te ainda tin peliger cu lo tin erupcionnan nobo y quizas mas peligroso.



**WINSTON**  
CIGARIA CU FILTRO  
CU SABOR DI TABACO RICO



## LEER TYPEN

op de

### ST. GERARDUS CURSUS

Oranjestad tel. 3268 - 3196  
San Nicolas tel. 5365

Elke dag kunt u beginnen.

**VLUG EN GOED**



E principe Bernardo ta hanja un splicacion di e architecto di Aruba Sheraton Hotel C. Giller tocante e hotel, na e maquette cu el a traha.



Wit Gele Kruis na San Nicolas a ricibi un bishita hopi largo di Su Mahestad La Reina. Despues di worde encontra pa deputado Mathew esaki ta presenta S.M. na director di e Stichting Wit Gele Kruis Aruba, senior J. Mellis (foto) y tambe na soeur Perpueta, Cabezant di e soeurnan cu ta traha cu Wit Gele Kruis na Aruba. Completamente na drechi nos ta mira minister L. Beaujon.



E pareha Real acompaña pa senjornan Murray y Nystrom dirigiendo nan mes pa e dinnerhall di Esso Club.



E foto aki ta muestra nos e momento cu S.M. ta lagando Wit Gele Kruis na San Nicolas despues di un bishita di casi tres cuarto di ora, pa regresa na Hotel Basl Ruti caminda e ta hospeda.



Diasabra mainta diez or Prins Bernhard a efectua e inauguracion oficial di e fabrica di awa y energia na Balashi. Esaki el a haci door di primi un konopi den control-room di W.E.B.



Na Lago Esso Club e pareha real a sinta na mesa pa lunch ofreci door di Lago. E foto ta muestra nos di robz pa drechi, Gobernador N. Debrot, S.M. Reina Juliana y president di Lago W.A. Murray.



E pareha Real a tuma lugar ariba e promer rij den Centro Cultural, for di caminda nan por a goza di e programma selecciona, presenta Diabierna anochi. Ariba e foto: d.r.p.d. Gobernador di Antillas, N. Debrot, Reina Juliana y Principe Bernhard.





Diasabra mainta e bishita di e Pareha Real Hulandes a continua na nos isla. Na Colegio Arubano e pareha Real a worde encontra pa diputado D. Tromp, secretario di teritorio insular A. Booi Jr, y director di e school J. van Gompel (foto: senjor Van Gompel ta worde presenta na Su Mahestad.



Diabierna anochi ultimo S.M. Reina Juliana y S.A.R. Principe Bernhard a presencia un "Anochi Arubano," den cual un seleccion di artistanan y gruponan local musical a presenta un programma di canto y baile cual a hanja un bon acohlida di e presentenan. Esaki a tuma lugar den Centro Cultural na Oranjestad. E foto ta mustra nos yegada di e pareha Real na Centro Cultural, caminda nanta ricibi e programma di e anochi, for di man di un di e miembronan di e grupo di Trupialen, kendenan tambe a tuma parti den e programma.

# WHITE HORSE OF COURSE!



Wimco

## ADIOS

Na Su Mahestad Reina Juliana y Su Alteza Real Principe Bernardo:

Reina amable, Principe simpático.  
Horanan dichosa, ta horanan cortico-  
Momento di despedida penosa a yega promé cu nos a pensa.

Aruba, dorná cu flor y bandera tabatin cuatro dia muy placentera.

Pero pronto, grabá den nos memoria, nan lo queda un parti di nos historia.

Adios! Mahestad y Alteza Reall No lubida e krenchi suelo nacional ilumina pa e solo tropical:

Aruba, blanca perla na Bo corona regal!

Respetuosamente,  
Th. Figaroa.

PA COMBATI

CALOR

no tin nada mas

REFRESCANTE y ...

DELICIOSO

CU UN

APRICOT JUICE



GANADORNAN DI  
"CONCURSO  
BOMBACIONAL"  
DI LA ESPERANZA  
DI SEPTEMBER  
30-1965

Premio No. 1; Dries Geerman, Pastoor Hendrikstraat 97....  
UN PASASHI PA COLOMBIA

"	"	2; Veronica Tromp, Moce 26.....	NAfls 50,00
"	"	3; Efemia Thijsen, Poos Chikito 73 "	30,00
"	"	4; Emiliano Geerman, Hoolberg 77 "	20,00
"	"	5; Hipolito Maduro, Mahuma 18.....	10,00
"	"	6; H. Jansen, Madiki 106.....	10,00
"	"	7; Vilma Hoevertsz, Argentinastraat 8 "	10,00
"	"	8; Johanna Maduro, C.C. 62.....	10,00
"	"	9; Emily Damian, Rool Bosal.....	10,00
"	"	10; Nopine Jackson, Karawarastraat 13 "	10,00
"	"	11; Helena Dirksz, Sombre 29.....	10,00
"	"	12; Elsa Croes, Seroe Lopez 17.....	10,00
"	"	13; Otto Navarretto, van Walbeekstraat 13.....	10,00
"	"	14; Jeanne Gorina, Dadelstraat 8.....	10,00

EN CONNECCION CU

JOM KIPPUR

NOS LO TA CERA HENTER DIA

DIA RAZON, 6 OCTOBER 1965

CARIBBEAN MERCANTILE BANK N.V.

TERRITORIO INSULAR DI ARUBA

Ontvanger di Territorio Insular di Aruba ta participa abonadonan cu no a paga nan abono di Telefoon di luna di september 1965 cu aanmaning lo ser poni na post dia 5 di oktober 1965 y cu for di dia 6 di oktober 1965 lo cuminsa cobra gasto di aanmaning pa abononan di september 1965.



Pronto ta worde spera na Aruba e kampion mundial di Lucha Liber, Antonino Rocca (di dos for di robez). Akinan nos ta mire na e momento cu e ta yega na San Juan Puerto Rico abordo di un avion di Trans Caribbean Airways, ariba su gira di "combate" door di teritorio di Caribe. Saludando e kampion mundial na aeropuerto tabata Black Georgie (na robez kampion di teritorio di Caribe, y Edward Hrybik, T.C.A. station manager na San Juan hunto cu jet Club hostess Patricia Smith. Encuanto e fecha di yegada di Rocca na Aruba, no a worde confirma ainda.

# OCHO PRINCIPE DI IGLESIA LO ACOMPANJA PAPA PAULO VI

NEW YORK--UPI--Ocho principe di Iglesia lo acompaña Papa Paulo VI durante su bishita na Nacionnan Uni.

E comitiva papal lo inclui un cardenal di cada continente y dos miembro prominente di Curia Romana.

Awor nos ta duna algun dato di e cardenalan cu ta acompaña e Pontifice:

--Gregory Peter Agagianan, di 70 anja di edad nan lo recono-

ce facilmente pa su barba blan-

cu. E ta un homber cu ta pa-

pia diezdos idioma. Antiguo miembro di Curia Romana. El a bira cardenal na 1946. E ta dirigi obra misionera catolica den henter mundu, como perfecto di Sacra Congregacion pa propagacion di fe.

--Antonio Caggiano, 76 anja di edad, arzobispo di Buenas Aires. Notabel pa e desarollo vigoroso di e programanan di accion catolica na America Latina. El a coopera den preparacion di e agenda pa Concilio Ecumenico.

--Amleto Cigognani, 82 anja di

edad, secretario di estado di Vaticano. Diplomático papal brillante, cu tabatin na su cargo e tareanan mas eleva di Curia Romana for di 1961. E ta conoce Merca masha bon, na unda el a sirbi durante 26 anja cargo di delegado apostolico.

--Peter Tatsuo Doi, 72 anja di edad, Arzobispo di Tokio, homber cu maneranan suave y contextura debil. Promer cardenal japonés. E tabata budista di nacimiento, pero na dos anja di edad el a ser bautisa den com-

pania di su familia.

--Norman Thomas Gilroy, 69 anja di edad, Arzobispo di Sydney. Promer australiano cu a drenta Sacro Colegio. Defensor valiente di ayuda estatal pa schoolnan parroquial di Australia, y enemigu number di comunismo.

---Laurean Rugambwa, 53 anja di edad, Obispo di Tanganyika. Promer cardenal di color. Coverti na cristianismo na edad di ocho anja, mediante obra di e misioneronan cu a establece un school banda di e aldea tribal di Nsi-ba, na unda el a biba for di

mucha. E ta haltu, bon caracter y ta papia ingles hopi bon.

--Francis Spellmann, 76 anja di edad, Arzobispo di New York,

Huesped oficial di Papa Cabezan-te titular di Jerarquia Ecclesiastica di Merca.

Aunque nan ta considere esun mas conservador di e prelacionan norteamericano el a contribui na conduccion di e batalla cu a ser libra den e actual Concilio Ecumenico pa aproba e declaracion di libertad religiosa.

--Eugene Tisserant, 81 anja di edad, Frances de nacimiento, Decano di Colegio Cardenalicio. Aunque miembro di Curia Romana, como hefe di e biblioteca di Vaticano, ta viaja como representante di Europa. E ta un erudito distingui, y un di e autoridatnan mas prominente di mundu den lenguanan oriental y den documentonan cristian antiquisimo.

1

## 30 JAAR ERVARING

U kunt volledig vertrouwen op Marchena, Moron & Co. N.V. die een welverdiende reputatie geniet op het gebied van kwaliteitsprodukten en snelle, betrouwbare service als exclusieve agenten van Kelvinator op Curacao kan bieden.

2

## GEMAAKT VOOR DE TROPEN.

Iedere Kelvinator ijskast, airconditioner, freezer is getest voor de tropen om zelfs in het meest warme klimaat extra koelvermogen te leveren. Achter ieder Kelvinator-product staat 51 jaar fabriekservaring.

3

## SPECIALE JUBILEUM INRUILWAARDE

Uw oude ijskast, of ander belangrijk apparaat, kan nu als Uw aanbetaling dienen, gedurende de viering van ons 30 jarig jubileum.

4

## LAAGSTE PRIJZEN MET GEMAKKELIJKE VOORWAARDEN.


Nergens zult U betere kwaliteit en service vinden tegen vergelijkbare prijzen. Bovendien kunnen wij de betaling regelen overeenkomstig Uw financiële draagkracht.

5

## EEN MODEL DAT U PRECIES PAST.

Kelvinator biedt U een volledige keus op het gebied van ijskasten, freezers, gasfornuizen, kamerairconditioners en wasmachines in iedere maat en prijsklasse, en... passend in uw woning.

**VIJF REDENEN  
WAAROM U JUIST  
NU OP CURACAO EEN  
KELVINATOR PRODUCT  
MOET KOPEN**



**PALAIS ROYAL ARUBA N.V.**

Vier ons 30 jarig jubileum als exclusieve Kelvinator agenten met ons mee!



# Cama especial den avion cu lo hiba Papa Merca

ROMA--UPI-- Papa Paulo Sexto lo paga 890 dollar pa e pasashi regular di ida y vuelta pa su viaje pa Merca pero Empresa Aerea Alitalia lo pone un cama especial den e avion (Un DC-8 di reaccion pa e Sumo Pontifice por descansa den su vuelo pa New York.

--E avion ta un cu Alitalia ta usa den su servicio regular transatlantico.

--E unico cambionan cu nan lo hasi ne aparato lo ta den seccion di eerste klasse.

Entre otro, nan lo instala un cama, ocho butaca y un mesa. Erecinto

aki lo ta aposento priva di Papa durante 10 ora di vuelo dialuna proximo.

--Lo tin un tripulacion di 13 homber incluso ocho sobrecargo. Den personal di e avion lo no bainin-gun muher.

--E 17 miembronan di Comitiva oficial di Papa lo bai sinta den un compartimiento di eerste klasse, patras di e camarote di Paulo Sexto. Restu di e viajeronan lo ta periodistanan, fotografonan y otro personanan.

--Compartimiento di e Pontifice lo ta decora especialmente cu un terciopelo berde y cortinan berde cla. Cantu di mura-ya di e avion lo tin un cruz y un estatua di Nuestra Señora de Loreto, ambos di brons.


Promer cu e avion sali di a-eropuerto Fiumicino di Roma dialuna mainta (0430 GMT nan lo coloca un banda di e aparato un bandera papal chikitu (blan-cu y geel y ne otro banda ban-dera italiano (blancu, corra y berde. E banderanan lo ser ki-ta ora cu e avion ta bai baha. Por lo demas e avion lo no hiba algun destino especial cu e ocasion ta señalá.

E avion lo pasa pa e isla Elba na unda Napoleon a muri exi-lia; riba Niza, Montelmaar y Cognac, Francia, y despues ri-ba Oceano Atlantico. El lo apro-cima New York via Gander, Syd-ney, Halifax, Yarmouth y lo cu-minsa baha riba Nantucket.

Despues di e aterrizaje riba aeropuerto Kennedy di New York, pa mas o menos 9-45 a.m. nan lo buta pafor di e cabina un bandera papal y un norteameri-cano.

Durante e vuelo, Papa Paulo Sexto lo manda mensahenan di salutacion, pa radio di e avion ne hefenan di estado di Francia, Canada y Merca. Nan ta spera cu den e limitenan di e paisnan e avion cu ta hiba Papa lo ser escolta pa cazanan a reaccion, segun e norma ta indica pa he-fenan di estado bishitante.

NEW YORK--Trahadornan ta pre-parando catedral St. Patrick pa Papa Paulo Sexto su bishita na New York. Riba e foto aki nos por mira cu trahadornan ta verf e misa parti paden. Manjan Pa-pa lo sali cu avion for di Roma pa yega New York dialuna.



## India y Pakistan lo no stop nan hostilidadnan

PA: Max Vanzi: KARACHI --UPI-- Presidente Mohammed Ayub Khan a bisa a-ya cu nan lo no stop contacto entre trupanen India i pakistana te ora cu nan a tuma medidanan pa resolve e disputa riba Cache-mira.

Radio Karachi, na mes momento, a bisa cu trupanen India apoya pa artilleria y morteronan a ini-cia un ataque nobo den zona Chamb, na Cachemira, cerca di su extremo meridional.

Radio oficial a bisa cu India a duna Pakistan un ultimatum pa retira for di e region di Chamb, of sino nan mester enfrenta un

ataque. E radio a bisa cu Syed Amjad Ali, representante di Pa-kistan, den Nacionnan Uni, a ha-si e declaracion.

Ayub Khan a manifesta cu Pa-kistan te awor a demostra gran paciencia pero su forsanan lo si-gui atende defensanan avansa pa afronta "provocacionnan y viola-cionnan" India comete for di dia cu nan a dicta cesacion di fuego dia 23 di september.

India a ninga tambe di retira for di posicionnan pakistana cu el a ocupa promer cu orden di cesa-cion di fuego impone pa Nacionnan Uni.

"Nos no a baha nos cuardianan pasobra nos sa e clase di enemi-

gu cu cual nos ta tratando", Ayub Khan a manifesta den un transmision na henter e pais. El a bisa cu e retirada di e li-neanan avansa mester ta "a base di un programa conveni ca-paz di e fiscalizacion debi y a-compania pa un evolucion di pro-ceso pa solucion real di e pro-blema politico basico di cache-mira, cu ta fuente di e conflic-to actual".

El a manifesta cu e tabata conta cu potencianan integrante di e Consejo di seguridad grandi cu "a promete di eherce su oficio-nan bon y influencia pa alcanza un acuerdo riba e basenan ei." Rusia a ofrece su oficionan bon na mo-mento mas grave di e conflicto.

## Autoridadnan a tuma medida di precaucion

KARACHI--UPI--Ayer nochi autoridadnan a oscorece ecludad aki y e medida a sigui vigente como medida di precaucion con-tra tur ataque di India posibel. E letreronan luminoso y luznan di caya y cas a ser paga, des-pues cu informenan a circula di cu trupanen India tabata ataca forsanen di Pakistan na Cachemi-ra. Durante ayera henter dia, radio Pakistan a bisa cu e lu-cha tabata continua pero no a du-na detaye di e encuentro arma.

Na Rawalpindi, mayor general Bruce McDonald, hefe di e gru-po di observadornan di Nacion-nan Uni cu ta supervisa cesacion di hostilidadnan entre India y Pakistan, a hasi un bishita di cortesia ne presidente pakista-no, Mohammed Ayub Khan.

Mas despues el a declara na pe-riodistanan cu e situacion ta ti-rante.

Radio di Karachi a bisa ayera cu nan tabata libra un batalla recio entre forsanen di Pakistan y India den e zona di Chamb, na sur di Cachemira, y a seña-la cu trupanen India tabata tra-ta di desaloha pakistanonan for

di territorio cu nan a ocupa pro-mer cu cesacion di hostilidadnan, violando e tregua cu a ser or-dena pa Nacionnan Uni.

Entre tanto, e presidente pakis-tano, Mohammed Ayub Khan a adverti den transmision pa radio cu Pakistan tabatin muchu pasen-shi tene momentonan aki, y cu su forsanan lo continua firme na nan posicionnan defensiva pa enfrenta "provocacionnan y viola-cionnan" comete pa India for di tempu cu nan a ordena cesa-cion di hostilidadnan dia 23 di september.

Radio Karachi a bisa cu trupa-nan India, cu apoya di artilleria y mortero, a lanza un ataque contra posicionnan pakistana den sector di Chamb, na Cachemi-ra, cu indionan ta domina, acla-rando cu posicionnan a ser tu-ma pa forsanen di Pakistan pro-mer cu e alto di fuego cu a ser ordena pa Nacionnan Uni.

Mas despues, e radio a añadi cu India a duna Pakistan un ul-timatum pa nan retira for di e sector menciona, cu ta den extre-mo meridional di Cachemira, of lo contrario nan mester afron-ta un ataque.

## BOM COMUNISTA A MATA DIEZUN SURVIETNAMES

SAIGON--UPI-- Awe un bom cu a ser coloca pa comunistanan dilanti di Estadio Nacional di Vietnam del Sur a causa diezun morto. E Estadio Nacional aki ta-bata ser usa pa polisnan pa sinja cadettenan di su Adademia. Tres di e victimanan tabata muchanan cu tabata corre riba baiskel; e ocho restantenan tabata cadette-nan di polis cu tabata bai ne cor-redor proximo.

Otro cinco persona a resulta he-rida pa e bom. E explosion a la-fragmentonan metalico cai riba e multitud cu tabata cana riba caya, na ora di come. Un otro time-bom, cu a ser prepara pa explota momentonan despues ora

cu polisnan bai duna auxilio ne victimanan di e promer explo-sion, no a explota.

Entre tanto, den frente di com-bate aereo, dos avion Skyraiders di Forza Aerea norteamericano cu tabata apoya un accion di -limpieza na norte di Qui Nhon, a dal contra otro. Nan a informa cu e pilotonan a muri.

Den frente terrestre, e comunis-tanan a ataca promer cu mainta un puesto di gobierno, 60 kilo-metro na noroeste di Saigon, usando morteronan y armanan di caliber chikitu. E puesto a pi-di ayuda y ora un avion di trans-porte a cuminsa tira luznan cu parachut, e comunistanan a ban-

dona e ataque.

Trupanen di gobierno, apoya pa Forza Aerea di Vietnam y di Merca y pa avionnan di Armada norteamericana, a ataca ayera forsanen di Viet Cong, cu den number superior di mil homber tabata concentra den delta di Mekong, matando por lo menos 68 guerrillero comunista.

Un vocero militar norteamer-icano, cu a duna e informacion, a bisa cu e guerrillanan di Viet Cong por a sufri cten morto mas, y cu por fin nan a logra hui en-tre oscuridad di marduga. Nan a informa cu bajanan norteameri-cana tabata poco, y perdidanan vietnames "leve".





# PAGINA DEPORTIVO



## BONAIRE A PERDE PROME WEGA TRES CERO

(Di Nos Redactor Deportivo)

Bao di amenasa di awacero, diasabra anochi e seleccionnan di Bonaire y Aruba a enfrenta otro den Wilhelminastadion den presencia di poco publico. E seleccion di B.V.B. bao direccion di e entrenador curazolenjo Confesor a musta den e partido aki senjlanan definitivo di progreso compara cu loke nan a hunga durante e A.S.U. Olimpiada cu nan a bin hunga na Aruba. Ta notable cu e equipo ta posee mas tecnica y mihor control di bala, aunke cu ainda e ta di menos caliber cu e equipo arubiano. E seleccion di A.V.B., den cual a falta diferente di e hungadornan cu por ehempel a worde alineado contra di Arsenal, apesar di e triunfo di 3-0 a hunga bao di nivel. Especialmente e linea delantera a falla miserablemente cantidad di biaha.

Despues di presentacion di boeketnan na e dos capitannan door di e dos madrinanan di e dos equiponan, e wega a cuminsa bao direccion di referi Luis Giel, kende a conta cu asistencia di linesman Evenio Gonzalez y Bicente Henriquez.

Un atake di A.V.B. den di 8 minuut ta resulta den corner ora cu un shot ta rebota contra di curpa di e portero Bernabela bai corner. Cu un bon salto e keeper ta desvia e corner. Luego Dany Pablo ta kop net over.

Un minuut despues keeper Bernabela ta falla tratando di intercepta. Edwin Dirksz ta hajar e bala, pero apesar di e gol bashi su shot ta sali na banda. Tras di otro e linea delantera di Aruba ta falla shootando na banda.

Un shot largo di Fench Duberota worde bon garra door di keeper Bernabela.

E alero robes di Bonaire Narciso Bernabela ta tarda pa busca un bon coloca throughpass y un chens di Bonaire a bai perdi.

Promer biaha cu keeper Diaz di Aruba ta hajar un shot directo di su contrarionan tabata den di 32 minuut. E shot largo di Wanga a bai den man di Pupy Diaz.

Un contra-atake di Aruba ta

resulta peligroso pa e visitante nan. Edwin Dirksz ta bolbe hajar e so cu e portero. E ta lamta e bala over di cabes di e keeper, pero cu man un defensa ta saka e bala.

Referi Giel ta constata e penalty cu den forma exitoso ta worde cobra door di Edwin Dirksz. Score 1-0 pa Aruba.

Benny Brete, rechtsbuiten di Aruba, tambe ta hajar su chens. Su shot ta rebota na pia di e portero y ta yega luego cerca Ange Perez kende ta shot durisimo over.

Dos minuut promer cu halftime, despues cu Dirksz a falla un biaha mas su so cu keeper, midvoor Cheppy Ras ta aumenta e score pa Aruba te na dos cero cu un bon coloca shot intahabel pa keeper Bernabela.

Halftime a bai aden cu e score di 2-0.

Entrenador Angel Botta a haci algun cambio den su linea delantera mandando Ren Gomez pa Benny Brete y Flocker pa Cheppy Ras den linea delantera.

Keeper Bernabela ta demostra di ta poseedor di un bon grip ora cu den di 3 minuut despues di half e ta garra un shot duro di Perez halto den skina. Tabata un bunita

hugada di e portero.

Den e segundo tempo de delanteronan di B.V.B. ta realisa varios bon combinacion, y nan ta pone keeper Diaz drenta den accion diferente biaha. E defensa arubano

sin embargo den mayoria di e casonan no tabata laga e asunto yega asina leeuwte pa cu e drenta tin di drenta den accion.

Un shot di Acosta, cu a drenta den di 71 minuut pa Gomez ta rebota contra tubo di gol.

Den e ultimo minuut di wega Flocker ta anota e ultimo gol cu a pone e score na 3-0 pa Aruba. Alineacion di e dos equiponan tabata lo siguiente. B.V.B.: Keeper Elias Bernabela, backs Papy An-

tonie, Vic Wanga y Juan Statie, linea media Nechi Wijman y Boy Jansen, linea delantera Ildo Wijman, Rudolf Kimbura, Caito Poulrier, Silvio Mercera y Narciso Bernabela.

A.V.B.: Keeper Pupy Diaz, backs Waty Vos, Juancho Pablo y Andresito Bikker, linea media Jose Boye y Fench Dubero, linea delantera Benny Brete, Dany Pablo, Cheppy Ras, Edwin Dirksz y Ange Perez.

## BASEBALL ROUNDUP

LOS ANGELES.--Milwaukee a tumar revancha y a duna Dodgers di Los Angeles na nan turno un blaqueo cu score di dos - cero.

Danny Lemaster, cu a supera Claude Osteen den duelo di pitcher nan zurdo mester a bandona monticulo despues di siete inning pa un bateador di emergente. E derrota a pone na un racha di diestres victoria di Dodgers.

Woody Woodward a conecta tres hit pa cuenta di Bravos, mientras cu Felipe Alou a conecta dos, pa impulsa un carreda y anota otro.

Bravos a pone fin na e empate di blanco cu tabatin riba marcador, cu un carreda inmereci den sexto inning, ora cu Felipe Alou a enbasa pa base por bola y Mack Jones a sacrifica.

Catcher John Roseboro a hasi un mal tiru pa primera ora cu Jones a sacrifica y esaki a permiti e corredornan avansa pa segunda y tercera.

Seguidamente Hank Aaron ta hanja base por bola intencional pa yena e tres skinanan despues cu Joe Torre a poncha, Gene Oliver ta pega rolling riba tercera JIM Gilliam, mientras e dominicano tabata corre pa e plato. Gilliam a tira segunda pero a saca Jim Lefebvre for di base y e tiru pa primera a faya di pone Oliver out, mientras tanto

SAIGON.--UPI.--E promer ministro survietnames, Nguyen, Cao Ky, a anuncia awe un reorganizacion di su gobiernu, cu segun a ser afirma, e ta destina pa crea un "sociedad nobo" cu e mesun urgencia cu nan ta aplica awor ne esfuerzo di guerra contra comunismo.

Ky a anuncia designacion di e ministro di defensa, general Nguyen Huu Co, na cabez di e "superministerio nobo" di guerra y reconstruccion rural. Di e manera aki Co lo hasi cargo no solamente di guerra, sino di paz.

Alou a anota Woodward a habri septimo inning cu hit, avansa pa segunda riba hit y despues pa tercera riba un infield out, Rojas Alou ta conecta hit pa impulsa Woodward.

Pitcher ganador tabata Lemaster 7-13 y e perdedor Claude Osteen 15-15.

SAN FRANCISCO.--UPI.--Rojos di Cincinnati diabierne anochi a vence Gigantes di San Francisco cu anotacion di 17-2 conectando un total di 21 hit.

Gigantes apesar di e derrota ainda a keda den e lucha pa e gallardete di Liga Nacional cu Los Angeles Dodgers na e prome lugar di circulo bleu ora cu Dodgers tambe a perde contra Bravos di Milwaukee cu score di dos-cero. Dodgers tin ventaha di dos wega completo riba Gigantes na prome lugar y e dos equiponan falta solamente dos wega pa hunga cada uno.

San Francisco a hunga asina malu diabierne anochi cu no ta

parce probable cu nan lo reaccionan pa tabla cu Dodgers.

Matematicamente nan por empatar cu Dodgers ainda den campeonato y asina obliga e realisacion di un

serie di desempate. Dodgers, pues tin por lo menos un empate asegura.

Rojos di Querido Cincy a castiga ocho pitcher di Gigantes ora cu Bob Bolin y Frank Robinson a conecta homerunnan pa empulsa cuater carreda den e prome inning. Y esaki a duna señal pa Rojas sigi cu e derrota grandi pa Giants.

Gigantes ademas di esei a comete varios equivocacion incluyendo tres error, un balk, y varios hugadanan dudosos.

Nan a castiga Sammy Ellis, cu

ocho hit, pero toch esaki no tabata suficiente, pa por a supera querido Cincy. Ellis su record awor ta 22-10. Tom Haller cu un homerun den segundo inning tabata e unico cu a hasi danjo na e pitcher di l. Rojas. E otro carreda di Giants tabata debi na dos hit y dos base por bola, despues di dos out den cuarto inning.

## PONG MARTELL TA LUCI ATROBE NA MEXICO

WILLEMSTAD--Segun corantnan mexicano e hungador di futbol curazolenjo Ronald Pong Martell ta bolbiendo bek den su forma cu cual el a hanja asina tantu acogido pa fanaticonan di Mexico. E corantnan ta muestra cu Pong semper ta un homber masha peligroso den e linea delantera di e club Ciudad Madero na cual a wor e ta pertenece.

E ta empatar na segundo puesto den e maximo goleador na su club cu cinco tanto y den menos wega cu e otro hungadornan di su club, Ciudad Mexico ta figura na e cuarto puesto den clasifi-

cacion di equiponan mexicana. Den e ultimo minuutnan di e wega contra Toluca Pong Martell a hanja un freekick y ta descargu un tiru violento cu ta laga e keeper completamente descontrol y sin chens di reaccionar den gol pa salba honor di su equipo.

Den otro partinan di e corant tin: Fotonan cu ta muestra e futbolista di Corsow, Martell den accion, o mas bien un foto cu ne riba dje, un tabata e bala drentando reda y e otro un otro remate di Martell cu ta golpea den lata.



Tiru liber di Pong Martell a resulta den gol.



Otro tiru a hera di resulta e gol di empate.



Pong den ataque (flecha).



# GRAN MOVIMIENTO NA FAVOR DI RESTREPO PA CANDIDATURA

Pa Julian Escobar  
BOGOTA -- UPI -- Ex-presidente Alberto Camargo a anuncia ayera nochí un gran movimiento na favor di e senador liberal Carlos Lleras Restrepo pa candidatura presidencial, pa e periodo 1966-1970.

Lleras Camargo, cu a retira di política activa for di hopi tempu caba, a papia durante un cuminda ofrece pa "e centro di estudio colombiano" y a bisa cu movimiento lo ta na number di e colombianonan di e partidonan tradicional, liberal y conservador, cu tin plena confianza den e sistema di frente nacional.

E ex-mandatario a indica cu e modalidad aki di gobierno crea p'e y e fallecido expresidente conservador Laureano Gomez, pa oriente e país pa 16 años a partir di 1958, ta sigui siendo e mihior solución pa e problemaman cu e naci6n ta afronta.

El a splica cu e país tin mes-ter di un ehecutivo cu ta comprende y ta capaz di dirigi e evolucion di desarrollo colombiano, y cu Lleras Restrepo ta e homber adecua pa hasi e proposito realidad.

Lleras a adverti cu e adulteracion di e frente nacional a ser tolera alternativamente na e gruponan cu ta ser organisa pa disen-

ti di gobierno di responsabilidad conjunta y pa reclama su jamada "cuotas di poder", segun ta conveni su interesnan transitorio.

E acto durante cual a ser du- na di conoce e nomina di e comite integra pa promove candidatura di Lleras Restrepo, a concurrir mas di 1,300 persona.

E comite a keda forma pa e ex-ministernan Hernando Agudelo Villa, Virgilio Barco Vargas, Misael Pastrana Borrero y Belisario Avendano. Lo e inicia labornan inmediatamente y lo crea organismonan similar den e capitalnan departamental.

Lleras cu a anuncia cu lo e viaha den exterior i bolbe aki bek, pa coloca su mes al frente di e candidatura di Lleras Restrepo, a critica e congreso di no a otorga e gobierno e facultadnan especial cu el a solicita pa legisla den materia economica.

"E gravedad di acontecimiento nan den e ultimo dianan a hasi cu e opinion nacional ta irrita zu razon ante e subversion di valor- nan cu ta implica cu e congreso nacional, y den dje un coalicion di fuerzanan heterogenia, a precipita, a sabiendas, gobierno na ehecutivo di e facultadnan deri-

ba di e estado di sitio pa produci un legislacion cu no ta atribui na dje".

Lleras Restrepo, cual candidatura a ser lanza pa un convencion nacional di partido liberal oficialista, a renuncia e honor algun luna pasa a fin di contribui na despeja e ambiente politico. Sin embargo, importante partinan partidista, gremial y profesional a solicit'e ultimamente pa e reinicia su campaña politica.

E actual hefe di estado, Guillermo Leon Valencia, conservador, lo entrega poder dia siete di augustus di otro año, den cual e lo cumpli su periodo constitucional di 4 años.

E number di Lleras Restrepo vetá pa e movimiento revolucionario liberal, conservatismo y alianza nacional popular, dirigi pa e ex-general Gustavo Rojas Pinilla.

Ta poyé e liberalismo oficialista y e corriente conservadora cu ta orientacionnan di ex-presidente Mariano Ospina Perez.

Di acuerdo di Lleras Camargo, e respaldo popular di cual Lleras Restrepo ta goza ta superior na loke el a obtene dia el a yega na prome magistratura, na 1958.



DA NANG, SURVIETNAM, -- Aparato di huma norteamericano ta ser usa pa saca comunistanan Viet Cong for di tunnelnan den cercania di e base aerea di Da Nang. E aparato aki ta ser usa tambe pa detene infiltradornan.

## CONFERENCIA CU DEAN RUSK

NACIONNAN UNI -- UPI -- E minister di relacionnan exterior di Argentina, Miguel Angel Zavala Ortiz, cu ayera a conferencia durante un ora cu e secretario di estado norteamericano Dean Rusk, lo bolbe reuni cu esaki diadomingo proximo. Un vocero di e mision argentina a bisa cu Zavala Ortiz, cu

for di ayera ta na Washington, lo regresa New York den oranan di diadomingo mainta.

El a agrega cu e canceller argentino lo ser ricibi pa Rusk 11<sup>or</sup> di mainta.

E reunion di ayera Rusk-Zavala a dura un ora. E dos cancellernan a trata riba e relacionnan entre nan paisnan respectivo.

Ora e reunion a termina, Rusk a invita Zavala pa continua discuti e problemaman den un entrevista posterior.

## HOROSCOPICO

ARIES (mar. 21 a abril 19) Pensar y planear para el futuro es aconsejable en este día, así como ayurar a los necesidades. Busque alguna autoridad para la clave de los asuntos problemáticos. Sea agradecido.

TAURO (abril 20 a mayo 20) Amigos exelentes están deseosos de hacerle grandes favores, de modo que no siga ocultando su luz debajo del arbusto y continúe avanzando. Salga de esa silla cómoda.

GEMINIS (mayo 21 a jun. 20) Comunicarse con personas influyentes y exponer sus ideas es el mejor modo de aprovechar este buen día. Cerciórese de mejorar su crédito. Demuestre buena voluntad.

CANCER (jun. 21 a jul. 22) Usted tiene un concepto diferente y mejor sobre lo que haya que hacer ahora para lograr el apoyo y la buena voluntad de otros. No desperdicie su tiempo.

LEO (jul. 23 a ag. 22) Ocupe de todas sus obligaciones y más tarde podrá demostrar sus habilidades. Escuche la voz de su intuición. Esta lo guiará por el camino adecuado. Sea práctico. VIRGO (ago. 23 a sept. 22) Usted puede ser muy ingenioso y hacer una impresión excelente en sus asociados ahora mismo. No se demore. Ocurren muchas cosas que demuestran cuál es su posición relativa ante otros.

LIBRA (sept. 23 a oct. 22) Ocupe de todas esas tareas que tiene delante y quítelas del camino rápidamente, empleando los métodos más eficientes. Convierta el trabajo en un placer. Sea pulcro y preciso. Hagalo un hábito.

ESCORPION (oct. 23 a nov. 21) Si esta a tono con sus planetas este puede ser un día feliz para usted. Tómese su tiempo para darse cuenta de que otros necesitan de su ayuda también. Invítelos a divertirse.

SAGITARIO (nov. 22 a dic. 21)

Aunque puede ser que no le guste, su familia espera que haga cosas de cierta manera. Hágalas y complazca. Establezca mayor armonía. Entonces todo saldrá bien.

CAPRICORNIO (dic. 22 a ene 19) Usted requiere más información para su trabajo diario, y este es un día magnífico para conseguirla. Trate de lograr mucho en poco tiempo.


ACUARIO (ene 20 a feb. 18) Estudiar empresas nuevas que le traigan mayor abundancia es aconsejable ahora. Vigile su propio bienestar. El de los demás

es secundario. Trate de extenderse, use sus propias habilidades.

PISCIS (feb. 19 a mar. 20) Haga unas cuentas llamadas y vea si sus asuntos marchan como es debido. De otro modo, busque nuevas empresas, pues to que usted necesita de la compañía de otros. Vístase bien.

SI SU HIJ NACE HOY.... Será uno de esos individuos muy ocupados en ser pulcro y preciso, pero que prestará poca atención a los duros rudimentos de los negocios. Dele una esmerada educación.

## BUCHI ROBES



## PEPITA





ESP-1000

Agente exclusivo di

FRIESCHE VLAG

pa cortesia di:

lechi evaporado y lechi en polvo

JAN BODEGOM &amp; CO (ARUBA) N.V.

MAXWELL HOUSE KOFFIE.




DICK TRACY

presenta pa cortesia di:

VICTORIA BOTTLING COMPANY

PEPSI-COLA --- SEVEN UP --- GRAPETTE-KIST --- VICTORIA SODA WATER --- BUFFALO ROCK --- GINGER ALE



FISCO KID

pa cortesia di:

ARUBA BOTTLING COMPANY

NESBITTS den varios sabor, e refresconan mas pidi y mas gusta na Aruba.



## MEDIDANAN DI SEGURIDAD ESTRICTO LO SER TUMA PA PAPA PAULO SEXTO

PA Bruce W. Munn.

NACIONNAN UNI--UPI-- E bishita di Papa Paulo VI na Asamblea General, cu por ser es un mas historico di esnan ricibi pa parlamento mundial, ta pone cu ta ser tumá medidanan mas estricta di seguridad desde cu Nikita Krushchev a asisti na e sesion di 1960.

Autoridadnan di Nacionnan Uni ta opina, sin embargo, cu e bishita pontifical lo causa mayor problema di transistion i menor en cuanto na seguridad personal cu tabata e caso cu Krushchev.

E Papa lo permanece na Nacionnan Uni durante unicamente dos ora i cuarenta minuut--di 3, 20 te seis or di atardi. Den e intervalo aki lo e presenta dos bez di sala di asamblea, cual su 2,040 asientonan seguramente lo ta ocupa, lo e papia privadamente cu e secretario general U Thant i otro latonan funcionario di N.U. den oficinanan di piso 38 di e sede di N.U. i lo ricibi e hefenan di delegacionnan cu ta asisti na e periodo actual di reunion di Asamblea General.

Krushchev a drenta i sali durante 25 dia. El a papia reperidamente desde tribuna di e asamblea, el a asisti pa numeroso fiestanan i a hasi, como consecuencia, polis di New York incurri den tal gasto, pa concepto di oranan extraordi-

nario di e agentenan encargá cu su seguridad, cu congreso di Washington mester a aproba e credito especial pa repone e considerable egreso policial Neoyorkino.

President Eisenhower, sin embargo, solamente a pasa dos ora den e sede di N.U.

Un treintena di gobernante di henter mundu a concurrir na e reunion di asamblea di 1960.

Esnan cu a causa mayor problema di seguridad tabata mariscal Tito, di Yugoslavia, Fidel Castro di Cuba, presidente Sukarno di Indonesia, Jawaharlal Nehru di India, Kwame Nkrumah di Ghana, Sekou Toure di Guinea i Joseph Kasavubu di Congo.

### SUKARNO TIN REPUBLICA

SINGAPUR--UPI--E ministro di relacionnan exterior di Indonesia, general di division Achmadi, a anuncia cu presidente Sukarno di Indonesia, ta bibu i tin pleno control di e republica, segun radio di Malasia a bisa awe. E transmision a añadi cu e declaracion di Achmadi, a ser ofreci pa radio di Yakarta.

E incidentenan di su delegacion cu un saputu den plena sesion. E hecho a ocurri mientras tabata hasi uso di palabra e senador Filipino Lorenzo Sumulong pa denuncia e "colonialismo" sovietico. E delegadonan comunista a protesta reiteradamente pero e presidente di asamblea, Frederick H. Boland, a nenga na silencio e orador. Krushchev a kita su sapatu, a hasi un gesto manera si e tabata bai tiré riba Boland, i despues a bira na golpea su pupitre como si fuera e sapatu tabata e martin di palu di e presidente.

Durante bishita di e santo Padre publico lo no ser permiti acceso na e terrenonan di NU i polis lo acorda un area di siete cuadra alrededor di nan. Mester di pase pa drenta den e sede

Di acuerdo cu e version cu a ser capta akinan, Achmadi, y e ministro di interior indonesio, Smar-nan, nan lo hasi un "yamado na pueblo di su pais pa nan respalda gobierno y contribui na a-plasta e movimiento responsabel di e golpe de estado cu a fracasa.

A pesar di cu nan a bisa cu Sukarno ta bibu i bon di salud, no tin informe concreto riba su paradero y nan no a mire alinda. Esaki ta mantene e incertidumbre tocante nan destino.

di Nu, i aun despues, boleto especial pa bishita cierto area.

Mas o menos 250 guardia lo tene warda den edificionan i terrenonan di e complejo di e organizacion mundial. Algun di e guardianan ta veterano di operacionnan di paz di Nacionnan Uni den distinto region di mundu.

E mayoria lo carga arma corticu. Embarcacionnan di polis cu ta riba awanan di e rieu di lanti e complejo di NU. Aña pa algun exiliado cubano a dispa-ra un obus for di e ordilla opuesta di e rieu mientras e colaborador di Fidel Castro, mayor Ernesto Guevara, tabata papia den e asamblea. E proyectil a calinofnsivamente den awa pero a causa gran emocion psicologica.

### RADIO ANTILIANA

5.30 Apertura y Oracion  
5.35 Manianita Arubanas  
5.45 Melodias di Wild West  
6.10 News in English  
6.30 Noticia na Papiamento  
7.00 News in English  
7.30 Noticia na Papiamento  
7.45 Programma di Jule Nieuw  
8.00 Espacio pa un Ritmo Criollo y un poesia  
8.10 Variedad Musical  
8.30 Musica y consejo dedica na tur nos amigonan automobilista  
9.00 Noticia na Papiamento  
9.15 Musica Norte-Americano  
9.30 Mejico cantando via Radio Antiliana  
10.00 Intermedio Musical  
10.10 Noticia na Ingles  
10.20 Programa di La Macorj-sana & International Super-markets  
10.40 Momento di Ritmo

FOR CUMPA ARUBANSE COURANT NA E SIGUIENTE LUGARNAN:

NA ORANJESTAD:  
BOEKHANDEL MARISKA,  
PIET SODA FOUNTAIN,  
REFRESQUERIA INGRID

NA SAN NICOLAS  
NICOLAAS STORE  
UNION STORE.

11.00 Musica Colombiana  
11.15 Voznan Popular  
12.00 Oracion di merdia  
12.03 Seccion Informativo  
12.20 Noticia na Papiamento  
12.30 News in English  
12.45 Capsulas En Orbitas alrededor di Mundo Deportivo  
1.00 Noticia na Papiamento  
1.20 Fiesta Calypso  
3.00 Musica Norte-Americano  
4.00 La Esperanza y su Obsequio Musical  
4.30 Variedad Musical en Complacencias  
5.00 Noticia na Papiamento  
5.30 Calypso Rama - Budweizer  
5.45 Musica Chevere  
6.00 Variedad Musical  
6.15 Musica Colombiana  
6.30 Noticia na Papiamento  
6.45 Variedad Musical  
7.00 Felicitaciones y Complacencias eticiones  
7.45 Programa di Jule Nieuw  
8.00 Programa di Club Bonaireano - Club Surinam  
8.15 Continuacion di Fel. y Cumpl. Peticiones  
8.30 Reddy Kilowatt  
9.00 Desfile di Exitos  
10.00 Anioranzas  
10.30 Impactonan Musical  
11.00 Melodia y Romance Musical  
12.00 Clausura

### RADIO VICTORIA

12.45 Quiet Time  
1.00 Radio Concert Hall  
2.00 Reading Room  
Hour of Decision (repeat)  
2.15 Quiet Hour  
2.30 Dr. Barnhouse and the Bible  
Bible Study Hour  
3.00 Ensueños Musicales  
3.30 La Hora Bautista  
Control Central  
Bo Pregunta Contesta  
Prosa Y Poesias  
Vida Nueva  
Titanes de Fe  
3.45 Academia Cristiana  
Melodias del Alma  
4.00 Musica di Banda  
4.15 Ultimas Noticias  
4.30 Listening Post  
Fun With Music  
4.45 Sailor Sam  
Muchanan pa Cristo  
Children's Gospel Hour  
Fun With Music  
-Music BOX  
Hobentud Pa Cristo  
5.00 Vertel Uurtje  
Canta Leo  
E Ora Aventuroso  
Melodias del Alma  
Informacion di Gobierno  
5.15 Palabranan di Bida  
5.30 Ecos del Cielo  
La Voz del Evangelio  
5.45 Musica Sagrada  
6.00 Nederlands Nieuws  
6.15 De Groene Welde  
Christelijke Liederen  
Christus tot de Volkeren  
der Aarde Gebracht (her-haling)  
Voor Zijn Glorie  
Windows on Holland  
6.30 World News  
6.45 Lago Hour  
Baptist Hour  
Miracles  
Musical Interlude  
Haven of Rest  
Issues in the News  
7.00 Organ Hymns that Live  
Sacred Songs  
7.15 Off the Record  
7.30 Miracles and Melodies  
Bible Time  
Light and Life Hour  
Haven of Rest  
Unshackled  
Showers of Blessing  
Prayers for Living  
Look Up and Beyond  
8.00 Musical Gems  
8.30 Back tot the Bible  
9.00 Klassieke Muziek.  
9.15 Dagsluiting  
10.00 Sign Off